



**REPUBLIKA E SHQIPËRISË
MINISTRIA E BRENDSHME
AGJENCIA E MBIKËQYRJES POLICORE**

Nr. ____ Prot.,

Tiranë, më __/__/2024

V E N D I M

**PËR SUBJEKTIN E VLERËSIMIT KOÇO DAFI
Nr. 41, datë 02.09.2024**

Trupa e Vlerësimit pranë Agjencisë së Mbrojtjes Policore, e përbërë nga:

Enton Radovani	Kryesues
Kleada Mersinllari	Relatore
Edona Dushaj	Anëtare

në datën 02.09.2024, në orën 10:00, në ambientet e Agjencisë së Mbrojtjes Policore, mori në shqyrtim mbi bazë dokumentesh, çështjen që i përket:

SUBJEKTI I VLERËSIMIT:

Z. Koço Trifon Dafa, me funksion ish-Zëvendës drejtor për Rendin dhe Policimin në Komunitet, Drejtoria Vendore e Policisë Gjirokastrë.

OBJEKTI:

Vlerësimi kalimtar i subjektit të vlerësimit.

BAZA LIGJORE:

Ligji nr. 12/2018, “Për Vlerësimin Kalimtar dhe Periodik të Punonjësve të Policisë së Shtetit, Gardës së Republikës, Shërbimit për Çështjet e Brendshme dhe Ankesat në Ministrinë e Brendshme”, i ndryshuar.

Ligji nr. 44/2015, “Kodi i Procedurave Administrative të Republikës së Shqipërisë”.

Ligji nr. 49/2012, “Për Organizimin dhe Funksionimin e Gjykatave Administrative dhe Gjykimin e Mosmarrëveshjeve Administrative”, i ndryshuar.

TRUPA E VLERËSIMIT TË AGJENCISË SË MBIKËQYRJES POLICORE,

pasi dëgjoji dhe vlerësoi shpjegimet dhe argumentimin ligjor të relatores së çështjes, pasi shqyrtoi dhe analizoi çështjen në tërësi, bazuar në Ligjin nr. 12/2018, i ndryshuar,

V Ë R E N:

I. RRETHANAT E ÇËSHTJES

1. Agjencia e Mbikëqyrjes Policore është institucioni që kryen procesin e vlerësimit kalimtar të punonjësve të Policisë së Shtetit, Gardës së Republikës dhe Agjencisë së Mbikëqyrjes Policore, bazuar në ligjin nr.12/2018, “Për Vlerësimin Kalimtar dhe Periodik të Punonjësve të Policisë së Shtetit, Gardës së Republikës dhe Shërbimit të Çështjeve të Brendshme dhe Ankesat në Ministrinë e Brendshme”, i ndryshuar.
2. Sipas përcaktimeve të neneve 2, 4 dhe 6 të ligjit nr. 12/2018, “Për Vlerësimin Kalimtar dhe Periodik të punonjësve të Policisë së Shtetit, Gardës së Republikës dhe Shërbimit të Çështjeve të Brendshme dhe Ankesat në Ministrinë e Brendshme”, i ndryshuar, shtetasi z. Koço Dafa ishte subjekt i vlerësimit kalimtar nga trupat e vlerësimit të Agjencisë së Mbikëqyrjes Policore, për shkak të funksionit të tij në datën e zhvillimit të shortit datë 04.07.2023, me pozicionin “Zëvendës drejtorit për Rendin dhe Policimin në Komunitet, Drejtoria Vendore e Policisë Gjirokastër.”
3. Subjekti i vlerësimit **z. Koço Trifon Dafa**, iu nënshtrua procedurave të vlerësimit duke u shortuar në shortin e zhvilluar në datën 04.07.2023, nga trupat e vlerësimit në përputhje me Udhëzimin e Ministrit të Brendshëm nr. 7 datë 17.01.2023 “Për procedurat dhe mënyrat e hedhjes së shortit për trupat e vlerësimit dhe subjektet e vlerësimit sipas ligjit nr. 12/2018, i ndryshuar”.
4. Në zbatim të legjislacionit në fuqi mbi parandalimin e konfliktit të interesit, me vendimin nr.1 datë 24.07.2023 u deklarua mospasja e konfliktit të interesit nga anëtarët e trupës së vlerësimit e përbërë nga: znj. Kleada Mersinllar **Relatore**, z. Enton Radovani **Kryesues** dhe znj. Edona Dushaj, **Anëtare**.
5. Trupa e Vlerësimit në përputhje me ligjin nr.12/2018, i ndryshuar si edhe në bazë të Rregullores nr.197 datë 23.02.2023 “Për hapat procedural të unifikuar” me Vendimin nr.1 datë 24.07.2023 vendosi fillimin e hetimit kryesisht për subjektin e vlerësimit z. Koço Trifon Dafa.
6. Relatori i çështjes, znj. Kleada Mersinllari nëpërmjet komunikimit elektronik zyrtar datë 25.07.2023 ka njoftuar subjektin e vlerësimit për fillimin e procesit të vlerësimit kalimtar, dhe i është bërë e njohur përbërja e Trupës së Vlerësimit, duke i kërkuar subjektit të

vlerësimin të deklarohet nëse është në kushtet e konfliktit të interesit me anëtarët e trupës së vlerësimin.

7. Subjekti i vlerësimin ka dorëzuar deklaratën për konfliktin e interesit në Agjencinë e Mbikëqyrjes Policore me shkresën nr. *** Prot. datë 30.07.2023 duke shprehur nuk është në kushtet e konfliktit të interesit me asnjë nga anëtarët e trupës së vlerësimin.
8. Relatori i çështjes në vijim ka ndjekur procedurat ligjore të përcaktuara në pikën 3 të nenit 25, të ligjit nr.12/2018, i ndryshuar, duke kryer një hetim të plotë mbi tre kriteret e vlerësimin kalimtar.
9. Në vijim të procesit të mbështetur në nenet 33/1, nenin 42, nenin 46 të ligjit nr.12.2018 i ndryshuar relatori i çështjes ka dërguar pranë institucioneve ndihmëse deklaratimet e subjektit të vlerësimin si më poshtë vijon:
 - a. me shkresën nr. *** Prot, datë 25.07.2023, ka dërguar pranë Inspektoratit të Lartë të Deklarimit dhe Kontrollit të Pasurisë dhe Konfliktit të Interesit deklaratën e pasurisë dhe dokumentacionin shoqërues;
 - b. me shkresën nr. *** Prot, datë 25.07.2023, ka dërguar pranë Drejtorisë së Përgjithshme të Policisë së Shtetit deklaratën e vlerësimin të aftësive profesionale
 - c. me shkresën nr. *** Prot, datë 25.07.2023 ka dërguar pranë Drejtorisë së Analizës dhe Sigurisë së Personelit në Agjencinë së Mbikëqyrjes Policore deklaratën e kontrollit të figurës.
10. Për të realizuar procedurat e vlerësimin kalimtar të punonjësve, trupa e vlerësimin është bazuar në parimin e ligjshmërisë, të barazisë përpara ligjit dhe të proporcionalitetit, duke garantuar të drejtën e punonjësve për një proces të rregullt ligjor.
11. Procesi i vlerësimin kalimtar të punonjësve bazuar në nenin 4, të ligjit 12/2018, i ndryshuar ka për objekt:
 - ✚ vlerësimin e pasurisë;
 - ✚ kontrollin e figurës;
 - ✚ vlerësimin e aftësive profesionale.
12. Trupa e vlerësimin ka realizuar procesin e hetimit administrativ, bazuar në:
 - a. Ligjin nr. 12/2018 “Për vlerësimin kalimtar dhe periodik të punonjësve të Policisë së Shtetit, Gardës së Republikës dhe Shërbimit të Çështjeve të Brendshme dhe Ankesat” i ndryshuar.
 - b. Ligjin nr. 128/2021 “Për Agjencinë e Mbikëqyrjes Policore”
 - c. Ligjin nr. 40/2015 “Kodi i Procedurës Administrative”
 - d. Ligjin nr. 49/2012 “Për gjykatën Administrative dhe zgjidhjen e mosmarrëveshjeve administrative”
 - e. Ligjin nr. 9367 datë 07.04.2005 “Për parandalimin e konfliktit të interesit në ushtrimin e funksioneve publike”
 - f. Udhëzimin e Ministrit të Brendshëm nr. 7 datë 17.01.2023 “Për procedurat e hedhjes së shortit”

- g. Rregulloren nr. 197 datë 23.02.2023 “Për hapat procedural të unifikuar”
 - h. duke verifikuar dhe vlerësuar të gjitha faktet dhe rrethanat e nevojshme dhe konkretisht deklaratat e dorëzuara nga vetë subjekti i vlerësimit në Agjencinë e Mbikëqyrjes Policore që janë:
 - ✚ Deklarata e Pasurisë,
 - ✚ Deklarata për Kontrollin e Figurës,
 - ✚ Formulari i Vlerësimit Profesional
 - ✚ Dokumentacion bashkëlidhur deklaratave për të justifikuar deklarinimet,
 - i. Raportet përmbledhëse të ILDKPKI-së, Drejtorisë së Analizës dhe Sigurisë së Personelit në AMP, dhe Drejtorisë së Përgjithshme të Policisë së Shtetit.
 - j. Provat shkresore/dokumente të administruara nga institucionet/organet publike dhe private në përputhje me ligjin nr.12/2018, i ndryshuar.
 - k. Provat dhe shpjegimet me shkrim të subjektit të vlerësimit.
 - l. Ka marrë në konsideratë bashkëpunimin, gadishmërinë dhe sjelljen e subjektit gjatë procesit të vlerësimit.
13. Trupa e vlerësimit, në datën 24.05.2024 pasi dëgjoi relatorin, dhe pasi krijoi bindjen se provat e administruara për kriterin e pasurisë, të kontrollit të figurës dhe të vlerësimit të aftësive profesionale, kishin nivelin e provueshmërisë, si dhe pasi konstatoi se janë marrë të gjitha hapat e nevojshme për përfundimin e hetimit kryesisht për subjektin e vlerësimit
- z. Koço Dafa, me Vendimin nr. 3 datë 24.05.2024, vendosi:
- a. Të mbyllë hetimin kryesisht për subjektin e vlerësimit z. Koço Dafa,
 - b. Të njoftojë me rrugë elektronike zyrtare subjektin për:
 - ✚ Përfundimin e procedurave të hetimit kryesisht;
 - ✚ Rezultatet e hetimit të pasqyruara në relacionin paraprak për të tre komponentët, e vlerësimit pasuror, kontrollit të figurës dhe atij profesional;
 - c. Të ftojë subjektin për t’u njohur me dosjen dhe me provat e administruara nga Trupa e vlerësimit, në përputhje me nenin 50, të ligjit nr. 12/2018, nenet 35-40 dhe 45-47 të Kodit të Procedurës Administrative, duke i dhënë kohë të arsyeshme prej 7 ditësh për t’u njohur me dosjen dhe për të paraqitur shpjegime.
14. Hetimi administrativ përfshiu edhe personat e lidhur apo persona të tjerë të lidhur në kuptim të nenit 3, pika 11, neni 5 i ligjit nr. 9367, datë 07.04.2005 “Për Parandalimin e Konfliktit të Interesave në Ushtrimin e Funksioneve Publike”, si dhe nenit 3, pika 12 dhe 14, të ligjit nr. 12/2018 “Për Vlerësimin Kalimtar dhe Periodik të punonjësve të Policisë së Shtetit, Gardës së Republikës dhe Shërbimit të Çështjeve të Brendshme dhe Ankesat”, i ndryshuar.
15. Në datën 19.06.2024, trupa e vlerësimit njoftoi subjektin e vlerësimit për zhvillimin e seancës dëgjimore në datën 01.07.2024, në orën 10:00, Salla e Mbledhjeve, kati I, në ambientet e Ministrisë së Brendshme në përputhje me dispozitat ligjore të ligjin nr. 12/2018, i ndryshuar.
16. Në datën 01.07.2024, pranë Agjencisë së Mbikëqyrjes Policore është dërguar nga subjekti i vlerësimit, njoftimi, me nr. *** prot datë 01.07.2024, ku njofton se për arsye shëndetësore

nuk ka mundësi të paraqitet në seancën degjimore si dhe ka njoftuar dorëheqjen nga strukturat e Policisë së Shtetit.

II. ARSYETIMI LIGJOR I TRUPËS SË VLERËSIMIT

17. Trupa e Vlerësimit, pasi u njoh me rrethanat e çështjes, administroi dokumentacionin si vijon:

- N nr. *** Prot datë 01.07.2024, të subjektit të vlerësimit z. Koço Dafa, në të cilën njoftohet Agjencia e Mbikëqyrjes Policore për dorëheqjen e subjektit të vlerësimit nga struktura e Policisë së Shtetit.
- Urdhër nr. **** datë 03.07.2024 të Drejtorit të Përgjithshëm të Policisë së Shtetit për lirimin nga strukturat e Policisë së Shtetit të punonjësit z. Koço Dafa.

18. Nga verifikimi i akteve në terësi, Trupa e Vlerësimit konstaton se, referuar urdhërit nr. ***, datë 03.07.2024, të Drejtorit të Përgjithshëm të Policisë Shtetit., ndodhemi në kushtet e nenit 57, të ligjit nr 12/2018 i ndryshuar, dorëheqjes së subjektit të vlerësimit nga struktura e Policisë së Shtetit.

19. Për këtë arsye z. Koço Dafa,

- *Nuk është subjekt i vlerësimit kalimtar, për shkak të dorëheqjes nga Struktura e Policisë së Shtetit, duke dalë jashtë fushës së ushtrimit të veprimtarisë së institucionit të vlerësimit kalimtar (Agjencisë së Mbikëqyrjes Policore), sipas pikës 1, të nenit 6, të Ligjit nr. 12/2018, i ndryshuar.*

20. Në këto kushte, Trupa e Vlerësimit, në zbatim të nenit 57 të Ligjit nr. 12/2018 i ndryshuar si dhe nenit 95, të Kodit të Procedurave Administrative të Republikës së Shqipërisë, deklaron të përfunduar çështjen e hetimit administrativ të nisur ndaj subjektit të vlerësimit, pa një vendim përfundimtar për shkak se interesi, qëllimi dhe objekti për të cilin ka nisur procedura, janë bërë ligjërish të pamundur.

PËR KËTO ARSYE:

Trupa e Vlerësimit pranë Agjencisë së Mbikëqyrjes Policore, mbështetur në nenin 57, të Ligjit nr. 12/2018, i ndryshuar, si dhe në nenin 95, të Kodit të Procedurave Administrative të Republikës së Shqipërisë;

V E N D O S I:

1. Ndërprerjen e procesit të vlerësimit kalimtar të subjektit të vlerësimit z. Koço Trifon Dafa, me funksion ish-Zëvendësdrejtor për Rendin dhe Policimin në Komunitet, Drejtoria Vendore e Policisë Gjirokastër, pa një vendim përfundimtar.
2. Vendimi i arsyetuar me shkrim u njoftohet z. Koço Dafa, si edhe Drejtorisë së Përgjithshme të Policisë së Shtetit brenda 15 ditëve nga dita e nesërme e shpalljes së vendimit.
3. Ky vendim publikohet në faqen zyrtare të Agjencisë së Mbikëqyrjes Policore, në përputhje me pikën 8, të nenit 56, të Ligjit nr. 12/2018, i ndryshuar.

4. Kundër këtij vendimi lejohet ankim brenda 45 ditëve nga data e njoftimit, në Gjykatën Administrative të Shkallës së Parë, Tiranë.

Ky vendim u shpall sot më datë 02.09.2024, në Tiranë.

KRYESUES

ENTON RADOVANI

RELATOR

KLEADA MERSINLLARI

ANËTAR

EDONA DUSHAJ